

SCRIPTA

Numéro Scripta : 1055

Auteur(s) : Robert II des Ablèges, Bayeux (évêque)

Bénéficiaire(s) : Jean le Roux, Bayeux (chanoine)

Genre d'acte : charte

Authenticité : non suspect

Datation : [1213-1226]

Action juridique : notification

Langue du texte : latin

Analyse

Robert II des Ablèges, évêque de Bayeux, le doyen Guillaume de Semilly et le chapitre confirment la donation faite par Jean le Roux (Rufus), chanoine prébendé d' Audrieu, du luminaire de la grande couronne le jour de la Toussaint.

Tableau de la tradition

Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CCLXIV, t. 1, p. 311-312.

Dissertation critique

Cf. Décanat de Guillaume de Semilly, 1209-1226.

Texte établi d'après a

Omnibus Christi fidelibus, ad quos præsens scriptum pervenerit, Robertus, Dei gratia episcopus, Willelmus, decanus, et capitulum Baiocense, salutem in Domino. Universis Christum confitentibus congruit sanctissimam Omnium Sanctorum diem celebrius honorare, curaque propensiori condecet procurare ut domus Dei, in qua tot et tantorum Domini electorum laudes personantur, eo die clarius eluceat. Hujus igitur rei pia consideratione, dilectus noster Johannes Rufus, canonicus præbendæ de Audrieo, ad ecclesiæ nostræ suspirans ornatum, nobis declaravit quod memorata die sanctissima, ad augmentum uberioris læticiæ, annua observatione, quoad illam gesserit præbendam, ecclesiæ nostræ coronam, ad priores Vesperas sollemnitate præscriptæ, et ad alias horas determinatas, cereis accensis curabit illuminare, quatinus omnium orationibus Sanctorum corona cum ipsis illuminatus perpetua, æternam a Domino valeat reportare mercedem. Nos igitur, ejus laudabili proposito promptissimum præbentes assensum, ad ipsius petitionem id ipsum perennis scripti testimonio commendavimus, et sigillorum nostrorum patrocinio confirmavimus, statuentes ut quilibet, in eandem illi præbendam successurus, die illa, revolutione annua, horis determinatis, coronam cereis coronet illuminatis, et ad ejus rei debitam executionem, omnibus ejus successoribus auctoritate nostra injungimus ut, cum quemlibet eadem præbenda investiri contigerit, sub nostra, vel nostrorum præsentia successorum, sponsione sollenni et firma ad prædictorum se nobis astringat observationem.